

NDITỌ ETE JOSEPH EKA EGYPT

Genesis 42:1-38; 43:1-14

ỌYỌHỌ UKPEP-ŃKPO 37

Eke Ikpọ Owo

IKỌ IBUOT: “Ntem ke ńwana kpukpru ini ndinyene esit eke minyeneke se eduode Abasi ye owo” (Utom Mme Apostle 24:16).

I Unana Udia Ke Canaan Ye Akpa Isań Ndika Egypt

- 1 Nditọ Jacob ebiate ini ndika Egypt ńkedep udia, Genesis 42:1, 2
- 2 Ke akpatre nditọ Jacob duop eka Egypt ndidep udia, Genesis 42:3-5; Utom Mme Apostle 7:9-15

II Edisobo Ye Joseph Iso Ye Iso

- 1 Mmọ owo duop eda ke iso Joseph emi mmọ mikọdiọńọke, Genesis 42:6
- 2 Ndap ini uyen Joseph osu ubak-ubak, Genesis 42:6-9; 37:7, 8
- 3 Mmọ etiń ewut ntak emi mmọ edide ke Egypt, Genesis 42:10-13
- 4 Joseph ọbọrọ onyũn odori mmọ ikọ ete ke mmọ edi mbon uyep, ndusuk, man mmọ ekudiyọń enye, Genesis 42:14-21
- 5 Esit mmọ obiom mmọ ikpe ke ntak idiọk-ńkpọ emi mmọ ekenamde Joseph ke ńkpọ nte isua edip emi ekebede, Genesis 42:21-24; ńwede Mbon Rome 2:14, 15; Ecclesiastes 11:9

III Edifiak Nyọń Canaan

- 1 Nditọ ete usukkiet ema efiak enyọń Canaan ye udia eke ekemde mmọ ke ekpri ini, ekpọń Simeon ke Egypt ke ubiyọń, Genesis 42:19, 20, 25, 26; Mme ńke 19:5
- 2 Ke adańaemi esiode udia ke ekpat, owo kiet okut okuk esie emi akadade edep udia ke esit, Genesis 42:27, 28
- 3 Nditọ ete oro, emi esit okobiomde mmọ ikpe, ebuk se ikotibede ye mmọ enọ ete mmọ, Genesis 42:29-35
- 4 Jacob afańa ye mmọ oto ke se Joseph akanamde ye mmọ, Genesis 42:36-38; 43:1-7
- 5 Judah etie ubiyọń abańa Benjamin ndifiak nnyọń ke ifure, Genesis 43:8-10
- 6 Ke akpatre Jacob onyime, man mmọ efiak ekedep udia edi, Genesis 43:11-14.

SE EKPEPDE EBAÑA

Akań emi okosimde isọń Egypt iketereke ke idut oro ikpọń, koro nnyin imokut ite ke enye ama otuk mbon Canaan, ebiate emi Jacob ye nditọ esie ekeđuńde. Osuk etie nte mbio Canaan ema efiọk ete ke ekeme ndinyene udia nto ke edem Ididuot Inyań oko, edi nditọ Jacob ikemenekere idem ndika ńkedep udia nyọhọ ubet mmọ. Ete mmọ ama eti mmọ abańa unana nsin idem onyũn obup mmọ ntak emi mmọ etiede ke Canaan, ese kiet eken.

Ndusuk ntak ama odu emi ekesinde nditọ Jacob etre ndiwara nnam isań ńka ke anyan idut oro. Isań oro ikememke, oro edi akpanikọ; edi mbon emi ema emehe ke ido edisańa ke ebiate ke ebiate, ndien mmọ ikpekefańake koro ọsọńde, okposuk edi oruk isań oro akpakak ọsọń-idem owo ke eyo mfin.

Ke mme isua emi ekebede mmọ ema enam idiọk-ńkpọ ye ekpri eyen ete mmọ, Joseph, ye ete mmọ, emi, ke mmọ etide, edi se ikefinade mmọ; koro nnyin imokut ke ediwak idaha ke ini mmọ edomode ndifre mme idiọk-ńkpọ emi mmọ ekenamde ke isua edip emi ekebede, mmọ ikekemeke.

Ke ini ekededi eke ńkpọ okotibede emi mikekemke ye uduak mmọ, mme ńkpọ emi edidade ufen mme ndiọk-iso ọsọk mmọ, ke ndo ndo oro mmọ eyekere ete ke ufen oro etiene mmọ oto ke idiọk-ńkpọ emi mmọ ekenamde ke anyan ini, emi mmọ mikayarakede mikonyũn ikabakere esit ibańa. “Nnyin ikedue eti-eti ke ikọ eyen-ete nnyin, koro, ikokutde ndutuhọ ukpọń esie, ke ini enye ekpede nnyin ubọk, ndien nnyin ikopke; oro esin nnanenyin emi etiene nnyin” (Genesis 42:21).

Ata akpan ńkpọ kiet odu emi Abasi onimde ke abańa ini, oro edi, ini eyemen mme ukut ye ubiak nnyin efep anam ifre onyũn ayak nnyin idara mme usen ini iso nnyin, ndien baba ńkpọ kiet idibiatke mmọ akan edititi mbańa ndot-ndot ini oro. Nnyin imekeme ndikop ọkposọń ubiak edi ke ini ubiak oro okurede, enye ebe efep ke nsi nsi. Edi idighe ntem ye idaresit mme inemesit, koro ke ini itide mme idaresit oro, mmọ ekabare enam idara ye inemesit nnyin idahemi edọdiọń ekpon. Nnyin itọńọ ntak ikop inemesit ini kiet efen.

Edi nkpo kiet odu emi ini mikemeke ndisohi mfep, oro edi mme nwed eriti mbaña mme idiok-nkpo ye ndioi edinam nnyin. Owo duop oro ema efiok ufen emi odude ke nsinsi akpaniko emi ke ediwak idaha afinade mmq toño nte mmq ekekoi enam idiok-nkpo ye ini emi mmq ekutde idem mmq nte esañade ekpere Egypt. Edi ata oyohq erikabare esit ikoduhe kaña ke mmq. Mmq ikenyeneke ekikere ete iyekut eyen eka mmimq mme ndisobo ye enye, ndusuk mmq ekenyene ekpri udon ndinam ntre. Edi idem enyiñ obio oro mmq ekenyamde enye enq nte ofin ama anam mmq eti eseme mbom ye mkpe ubok esie ke ini mmq eketopde enye esin ke obube enyuñ ekpede ekom-urua esie ye mme isen owo nte owo okpoyomde ndinyam ufene ke eti ekom-urua. Mkpasip nkpo kiet ekeme ndibiat nwed idiok nnyin: Iyip Jesus emi ekeduokde enq uduot owo.

Esit owo akama kpukpru nkpo, ndien edi oyohq esop ke idem esie, enyene ebire ikpe, mme ekpe ikpe, mme ntiense, ye mme ikpo owo esop. Nte ima iketetiñ, akananam esit ifreke nkpo okposuk edi nte ikike, mme ekikere owo efrede. “Esit ubiom-ikpe iyomke aba andidori ikq” edi ikq akpaniko.

Ema ekpon Benjamin, mkpri nkan eyen eka ke ufok. Ekekere ete ke enye ikpon osuhq ke eyen Rachel emi Jacob akamade eti eti, nte eyen emi eka ama akakpa, ete esie ama eneñere ekpeme enye. Ke ntak emi ndito duop ekeka isañ, mmq, ikofioke ite owo emi mme imq ikadade ke iso ekedi eyen eka mmq emi mmq ekenyamde ke ufin ke ediwak isua emi ekebede. Joseph ama ofioke mmq ini kiet edi iyarakere idem inq mmq, etiñ ikq isa isa ye mmq, onyuñ odohq ete ke mmq edi mbio uyep emi edide ndise inyene ison oro nnyuñ mfiok nte mmq ekemedede ndibo mmq obio oro nnyene. Enye ama ayat esit onyuñ etiñ ikq ye mmq man enye odip akamba inemesit emi enye ekenyenede onq ndito ete esie, obuk ye iyip esie, nko man anam mmq ekere enyuñ eti mme oburobut ido mmq enyuñ ekabare esit.

Joseph ama obup abaña mbio ufok mmq nte idem mmq etiede, onyuñ otim oduñore ndito ete esie ndifioke mme mmq edi se mmq edohode ete imedi mme idighe. Ke akpatre enye ama odohq mmq ete edieke mmq edide mbon akpaniko mmq idibiatke ini ndida akpatre eyen ete mmq ndisohq ikq mmq. Enye ama onq mmq udia nte ekemde onyuñ omum Simeon ke ukat tutu mmq efiak edi ye Benjamin, ekpri eyen eka esie, emi enye ekenyenede udon ndifiak nkut. Simeon ekedi udiana akpan ete mmq; ndien ke ini Judah okonode ekikere ete enyam Joseph nte ofin, edi akpaniko ke Simeon okonq akpatre ikq ke nkpo emi sia akpan ete mmq, Reuben, ikoduhe.

Owut ete ke Abasi akada Joseph usuñ ndimum Simeon nnim ke ukat man enye otonq ndibo ufen esie ke idiok-nkpo emi enye akanamde. Nnyin ikemeke ndibohq ufen mme idiok edinam nnyin. “Koro Abasi eyekot kpukpru nkpo emi enamde edi ikpe, okorq ke kpukpru ndibe-ndibe nkpo, edide eti, enyuñ edide mme idiok” (Ecclesiastes 12:14).

Nte mmq esañade enyon ufok, ke ini ndito ete oro etrede isañ ndiduok odudu ke akpa okoneyo enyuñ ekubore ekpat mmq kiet ndisio udia, mmq ema ekut ete okuk emi mmq ekepede ke ini mmq edepde udia ama odu ke inua ekpat mmq. Esit ama amia mmq ufen eti eti, mfuhq mmq onyuñ okpon tutu mmq ikofioke ete ke edinam oro edi mfon ido. Nko mmq ikekemeke ndikere mfiok ite se Joseph okodohode mmq enam idighe se ekemedede ndida mfiok mme mmq edi mbon akpaniko ke idighe mbon uyep. Edieke mmq ekpedide mbon uyep, ndien ikq mmq ndidi ndito ete dupekiet ikedighe akpaniko, ekpekedi mmem-mmem nkpo ndida ekpri eyen eren kiet ekededede ndiwut nte ekperedem eyen-ete mmq. Joseph ikpekenyeneke usuñ ndiyarade nsu mmq. Ke ntre emi ikedighe ata nduñore. Edi mmq ikofioke emi, ubiom ikpe idiok nkpo ama abiat ikike mmq. Jacob, ete mmq, ikenemke esit ye mmq koro mmq eketiñde enq andikara Egypt ete ke mmimq imenyene ekperedem eyen ete, enye ama akpan mmq ndida Benjamin nka Egypt ke ini mmq edifiakde ika. Enye ama ofioke ete edieke mmq edidade enye ika, imq iyetaba eyen ima imq, ndien mmq eyenam imq isuhore ke udi ye mfuhq. Edi ke akpatre, Judah ama etie ubion emi akanamde ete esie onyime, koro enye okodohode ete ke edi utom imq ndida Benjamin nka nyuñ nda nyon, okposuk edi nte Reuben, akpan esie ama ekebem iso etiñ ntre edi ete esie ikonyimeke.

Jacob ikotimke ifioke ibaña kaña usuñ mkpa eyen esie, Joseph. Ekeme ndidi enye ama ekere ete ke ndito esie ema enyene ubok ke mkpa eyen esie, okposuk edi mmq ekenamde ke akpa ifet nte mme imq iduehe; edi enye ikekopke kpukpru se ikadade itie, ye se ndito esie kiet kiet ekenamde ke ini mmq ekeduokde eyen ete mmq, enye ikekemeke ndifioke koro oyohq ediyarare mikoduhe kaña.

Edi mi imokut nte ubierikpe Abasi osonode ada. Utom edikpeme ekperedem eyen ete mmq okodoro Simeon ke afara ke ini Reuben miduhe, koro enye okonyimede ye mbio eken ndinyam eyen ete mmq nsin ke ufin. Enye otonq ndibo ufen esie idaha emi, nte nnyin ikutde nte emumde enye esin ke ukat ke Egypt. Judah okonq ekikere ndinyam akparawa oro, emi ke ini ema ekenyime, obionq Reuben ndinam utom mbom ke ndinam Joseph onyon etiene ete esie. Abasi akada usuñ ke kpukpru nkpo ke ntak oro, ekenyene ndidi Judah etie ubion ndida Benjamin nka nnyuñ nda mfiak ke ifure ke ini emi, ntre ke enye obq ufen idiok emi enye akanyamde Joseph. Reuben, emi ekedide akpan, emi kpukpru nkpo okpodorode enye ke afara, sia enye mikoduhe inyuñ ibuanake ke kpukpru se ekenamde eyak enye obohq ufen.

Oh, Abasi nnyin edi utibe! “Uwak ọniọ́n ye ifiọk Abasi edituńọ adańa didie! Mme ikpe Esie ekak owo ndiduńọre adańa didie, onyuń ayań owo nditiene nde usuń Esie. Koro anie ọfiọk ekikere Ọbọń? Anie okonyuń ọnọ Enye item? Anie okonyuń ebem iso ọnọ Enye ńkpọ, ndien eyetọńọ ntak enọ enye usiene? Koro kpukpru ńkpọ eto Enye, enyuń edu ke Enye, enyuń ena enọ Enye. Ubọń enyene Enye ke nsinsi” (Nwede Mbon Rome 11:33-36). Mme ńkpọ ntibe ntem, ewut ọyọhọ ọyọhọ ete ke edinen owo ekeme ndibọ eti utip, ńko ke idiọk owo eyebọ ufen, emi owut ete nnyin inyeneke ntak ndifehe ńkpọ ekeded, edide ke uwem emi mme ke uwem efen edieke nnyin iwukde mbuotidem nnyin ke Enye emi edide ukem mkpọń ye mfin ye ke nsinsi.

MME MBUME

- 1 Ekere ete nso ikedi ntak emi Jacob okobupde nditọ esie mbume emi: “Mbufo enam didie ese kiet eken?”
- 2 Nso idi ntak emi nditọ iren Jacob duop ekekade Egypt?
- 3 Nso idi ntak emi duop kpọt ekekade?
- 4 Anie ke mmọ ekeda ke iso ke ini mmọ ekesimde Egypt?
- 5 Ke nso usuń ke Genesis 37:7 okosu ke ukpep ńkpọ emi?
- 6 Nso idi ntak emi ekemumde Simeon enim ke Egypt?
- 7 Nso ikedi akpan ńkpọ emi okotimerede mmọ ke ini mmọ eketiede eduok odudu ke akpa okoneyo ke isań unyọń mmọ?
- 8 Nso ke ekedọhọ mmọ enam mbemiso mmọ ekeme ndinyene udia efen?
- 9 Nte Jacob ama onyime mme edinam emi ke akpa ifet?
- 10 Nso ke ekenam mbem iso Jacob onyime?